



*IMPERATORI OPTIMO MAXIMILIANO II, Cæsari potentissimo, semper Augusto,
domino suo clementissimo, salutem ac perpetuam felicitatem cum suis debitibus obsequijs, optat.*



M N E S qui, Cæsar Clementissime, grauioribus occupati sunt negotiis, vel quieti se dedere, vel iucunditatibus animum recolligere consueuerunt: quando vel negotiorum grauitas, vellaboris molestia ipsos defatigauit. Nō enim ita generatus est homo, vt ludos iocosve tantum quærat: Sed eiusmodi est vniuersi corporis ipsius structura, vt ad seueritatē, negotiāque grauissima, se factum esse, vel inuitus, confiteri cogatur. Quamuis autē omnes natura ad quietem, & recreationem feramur: vbi grauibus seriisque à nobis satis-factum est rebus, tamen in earum delectu, non omnium, vel idem est mos, vel eadem voluntas, vel idem iudicium: alii enim amoenis inambulationibus, alii iucundis quibusdam spectaculis, alii chartarum & aleæ ludo, alii potationibus, alii denique aliis rebus, prout naturæ im-

A 2